

MINIT CERAIAN

PKKP,

PERMOHONAN KELULUSAN KEWANGAN BAGI PELAKSANAAN TAKLIMAT *REFRESHER* EKOSISTEM KONDUSIF SEKTOR AWAM KEMENTERIAN PELABURAN, PERDAGANGAN DAN INDUSTRI TAHUN 2025

Dengan hormatnya perkara di atas adalah dirujuk.

1.0 TUJUAN

Minit ceraian ini bertujuan untuk mendapatkan kelulusan kewangan bagi pelaksanaan Taklimat *Refresher* Ekosistem Kondusif Sektor Awam (EKSA) Kementerian Pelaburan, Perdagangan dan Industri (MITI) tahun 2025 sebagai salah satu inisiatif untuk meningkatkan kefahaman serta kesedaran warga MITI terhadap amalan EKSA.

2.0 LATAR BELAKANG

2.1 Untuk makluman puan, MITI telah memperolehi pensijilan EKSA buat kali pertama pada 1 Oktober 2021 dengan pencapaian kategori Cemerlang dan sijil tersebut telah tamat tempoh pada 30 September 2023.

2.2 Susulan daripada itu, MITI telah melaksanakan Audit Pensijilan EKSA Kali Kedua pada 25 hingga 27 Jun 2024 bagi tujuan memperbaharui Sijil EKSA MITI. Namun, keputusan audit tersebut masih belum diperolehi daripada pihak Jabatan Perkhidmatan Awam (JPA).

- 2.3 Walau bagaimanapun, JPA telah menetapkan bahawa Audit Dalam EKSA perlu dilaksanakan sekurang-kurangnya sebanyak dua (2) kali setahun untuk memenuhi keperluan pelaksanaan EKSA.
- 2.4 Sehubungan dengan itu, MITI merancang untuk melaksanakan Audit Dalam EKSA Siri 1/2025 pada bulan Mei 2025. Sebagai persediaan awal kepada audit tersebut, satu (1) Taklimat *Refresher* EKSA dijadualkan untuk diadakan pada ketetapan seperti berikut:
- Tarikh : 17 Februari 2025 (Isnin)
Masa : 8.00 pagi hingga 5.00 petang
Tempat : Dewan Perdana 2,
Aras 1, Menara MITI
Tentatif : seperti di **Lampiran I**
- 2.5 Taklimat ini akan dihadiri oleh Jawatankuasa Zon EKSA bagi 27 Zon seperti di **Lampiran II**.

3.0 IMPLIKASI KEWANGAN

- 3.1 Anggaran implikasi kewangan bagi melaksanakan Taklimat *Refresher* EKSA MITI Tahun 2025 adalah sebanyak **RM6,350.00** dengan pecahan seperti di **Lampiran III**.
- 3.2 Perbelanjaan dengan anggaran berjumlah **RM6,350.00** ini akan menggunakan peruntukan Bahagian Pentadbiran, di bawah OS 29000 yang berbaki sebanyak **RM1,955.891.80** pada tarikh 27 Januari 2024 dan mencukupi untuk membiayai pelaksanaan program ini.